

阿毘達磨大毘婆沙論卷第一百四十四

五百大阿羅漢等造
三藏法師玄奘奉 詔譯

根蘊第六中根納息第一之三

藍字部分：《發智論卷十四》釋論範圍

此二十二根，幾學？幾無學？幾非學非無學？

答：二學。一無學。十非學非無學。九，應分別。

- 二學者→調：未知當知根、已知根。
- 一無學者→調：具知根。
- 十非學非無學者→調：七色、命、苦、憂根。
- 九應分別者→調：意、樂、喜、捨、信等五根。

此皆應作三分而答，故名應分別：一、作學分。二、作無學分。三、作非學非無學分。

分別論者言：此應作「分別記」，故名應分別。

謂：意根，或學、或無學、或非學非無學。

云何學？謂：學作意相應意根。

此復云何？謂：從苦法智忍…乃至金剛喻定相應意根。

云何無學？謂：無學作意相應意根。

此復云何？謂：盡智、無生智、無學正見相應意根。

云何非學非無學？謂：有漏作意相應意根。

此復云何？謂：有三種。何等為三？謂：善、染污、無覆無記。

●善，復有三。謂：加行得、離染得、生得。

★加行得者→復有三種。謂：聞所成、思所成、修所成。

★聞、思所成者→調：不淨觀、持息念、念住等相應。

★修所成者→調：煖、頂、忍、世第一法、現觀邊世俗、靜慮、無量、無色、解脫、勝處、遍處等相應。

★離染得者→調：由離染時得，則靜慮、無量、無色、解脫、勝處、遍處等相應。

★生得者→調：生時所得。

●善、染污，有二種。謂：見所斷、修所斷。

●無覆無記，有四。謂：威儀路、工巧處、異熟生，及變化等通果心。

如意根，樂根、喜根、捨根、信根、精進根、念根、定根、慧根，亦爾。

然！有差別。謂：信等五，除染、無記，餘隨所應。

問：何故此中明意根等，唯說：「作意相應，非餘」？

答：彼作論者，意欲爾故…乃至廣說。

脇尊者曰：此不應問，一切有疑，說餘相應，亦生疑故，但不違理，隨說無過。

有說：作意順生心勝故。謂：相應法中，順生心者，唯作意勝。如不相應中，順生法者，唯有生相，是故偏說。

有說：作意是警覺相、是牽引相，令意根等取所緣勝，是故偏說。

有說：作意能生諸法，勝於餘法，是故偏說。

已分別諸根-學等自性，雜、無雜相，今當說。

諸根學，彼是學者根耶？

答：應作四句。

①有根-學，彼非學者根。謂：學根學者不成就。

此復云何？謂：

隨信行不成就隨法行諸根。

隨法行不成就隨信行諸根。

信勝解不成就見至諸根。

見至不成就信勝解諸根。

退法姓學不成就五姓學諸根…乃至不動法姓學不成就五姓學諸根。

佛乘姓學不成就餘二乘姓學諸根…乃至聲聞乘姓學不成就餘二乘姓學諸根。

住苦法智忍位不成就上學位諸根…乃至住道類智忍位不成就上學位諸根。

住學三果未上進位不成就下上學位諸根。

住上進位，如應廣說。

②有是學者根，彼根非學。謂：非學非無學根，學者成就。

此復云何？謂：諸學者生欲界，已得眼根-不失，及生色界。彼成就眼根。

•已得者→謂：鉢羅奢佉位等。

•不失者→謂：不失壞。如眼根。耳、鼻、舌根，亦爾。

生欲、色界，彼成就身根，女成就女根，男成就男根。

生遍淨及下，成就樂根。

生欲界，成就苦根。

生極光淨及下，成就喜根。

未離欲染，成就憂根。

意、命、捨根，一切成就。

生欲界，未得無色界-善心，彼成就欲、色界-信等五根。

若得無色界-善心，成就三界-信等五根。

生色界-未得無色界善心，彼成就色界-信等五根。

若得無色界善心，成就色、無色界-信等五根。

生無色界，彼成就無色界-信等五根。

③有根-學，彼亦學者根。謂：學根學者成就。

此復云何？謂：

隨信行成就隨信行諸根。

隨法行成就隨法行諸根。

信勝解成就信勝解諸根。

見至成就見至諸根。

退法姓學成就退法姓學諸根…乃至不動法姓學成就不動法姓學諸根。

佛乘姓學成就佛乘姓學諸根…乃至聲聞乘姓學成就聲聞乘姓學諸根。

住苦法智忍位**成就**苦法智忍位諸根…乃至住道類智忍位**成就**一切見道諸根。

住學三果未上進位，**各成就**所住果所攝諸根。

住上進位，**各成就**所得果，及勝果道所攝諸根。

④有根-非學，彼亦非學者根。謂：無學根及非學非無學根，學者不成就。

此復云何？謂：

•諸學者→定**不成就**無學諸根，及有非學非無學根。

•學者不成就→謂：諸學者生欲界，不得眼根，設得-而失，及生無色界彼不成就眼根。

•不得者→謂：未至鉢羅奢佉位等。

•設得-而失者→謂：已失壞，如眼根；耳、鼻、舌根，亦爾。

生無色界，彼**不成就**身根，女**不成就**男根，男**不成就**女根，有俱不成。

謂：生色、無色界，及生欲界，或本不得，或已得-漸命終等捨。

生遍淨上，**不成就**樂根。

生色、無色界，**不成就**苦根。

生極光淨上，**不成就**喜根。

已離欲染，**不成就**憂根。

生欲界，未得無色界善心，彼**不成就**無色界-信等五根。

生色界，未得無色界善心，彼**不成就**欲、無色界-信等五根。

生無色界，彼**不成就**欲、色界-信等五根。

諸根無學，彼是無學者根耶？

答：應作四句。

①有根-無學，彼非無學者根。謂：無學根，無學者不成就。

此復云何？謂：

時解脫**不成就**不時解脫諸根。

不時解脫**不成就**時解脫諸根。

退法**不成就**五種諸根…乃至不動法**不成就**五種諸根。

佛**不成就**獨覺、聲聞諸根。

獨覺**不成就**佛、聲聞諸根。

聲聞**不成就**佛、獨覺諸根。

②有是無學者根，彼根非無學。謂：非學非無學根，無學者成就。

此復云何？謂：

無學者生欲界，已得-眼根，不失；及生色界，彼成就眼根。

如眼根；耳、鼻、舌根，亦爾。

生欲、色界，彼**成就**身根，女**成就**女根，男**成就**男根。

生遍淨及下，**成就**樂根。

生欲界，**成就**苦根。

生極光淨及下，**成就**喜根。

意、命、捨根，一切成就。

生欲界，彼**成就**三界-信等五根。

生色界，彼**成就**色、無色界-信等五根。
生無色界，彼**成就**無色界-信等五根。

③有根-無學，彼亦無學者根。謂：無學根，無學者成就。

此復云何？謂：

時解脫**成就**時解脫諸根。
不時解脫**成就**不時解脫諸根。
退法**成就**退法諸根…乃至不動法**成就**不動法諸根。
佛**成就**佛諸根。
獨覺**成就**獨覺諸根。
聲聞**成就**聲聞諸根。

④有根-非無學，彼亦非無學者根。謂：學根及非學非無學根，無學者不成就。

此復云何？謂：

無學者定**不成就**學諸根，及有非學非無學根，無學者不成就。謂：無學者生欲界，不得眼根，設得-而失；及生無色界，彼不成就眼根。
如：眼根；耳、鼻、舌根，亦爾。
生無色界，彼**不成就**身根，女**不成就**男根，男**不成就**女根，有俱不成就。謂：生色、無色界，及生欲界，或本不得，或已得-而失。
生遍淨上，彼**不成就**樂根。
生色、無色界，彼**不成就**苦根。
生極光淨上，彼**不成就**喜根，定**不成就**憂根。
生色界，彼**不成就**欲界-信等五根。
生無色界，彼**不成就**欲、色界-信等五根。

諸根-非學非無學，彼是非學非無學者根耶？

答：諸非學非無學者根，彼根非學非無學。

所以者何？

以**成就**學法，即名學者。

成就無學法，即名無學者。

若**不成就**學、無學法，名非學非無學者，即是異生。（彼所成就根，唯是非學非無學故。）

有根-非學非無學，彼非非學非無學者根。謂：非學非無學根，非學非無學者不成就。

此復云何？謂：諸異生生欲界，未得眼根，設得-而失；及生無色界，彼**不成就**眼根。如眼根；耳、鼻、舌根，亦爾。

生無色界，彼**不成就**身根，女**不成就**男根，男**不成就**女根，有俱不成。

謂：生色、無色界，及生欲界，或本不得，或已得-而失。

生遍淨上，**不成就**樂根。

生色、無色界，**不成就**苦根。

生極光淨上，**不成就**喜根。

離欲界染，**不成就**憂根。

斷善根者，**不成就**三界-信等五根。

生欲界-不斷善根：

若未得色界善心，彼**不成就**色、無色界-信等五根。

若得色界善心，未得無色界善心，彼**不成就**無色界-信等五根。

生色界：

若未得無色界善心，彼**不成就**欲、無色界-信等五根。

若得無色界善心，彼**不成就**欲界-信等五根。

生無色界：

彼**不成就**欲、色界-信等五根。

已分別諸根學等，彼學等義，今當說。

問：云何名學、無學、非學非無學耶？

答：以無貪道，為斷貪故，而學此道所攝法，名「學」。

以無貪道，為斷貪故，而不學-已學，故此道所攝法，名「無學」。

與二**相違**，名「非學非無學。」

復次，以無瞋道，為斷瞋故，而學此道，所攝法名「學」；以無瞋道，為斷瞋故，而不學-已學，故此道所攝法，名「無學」；與二相違，名「非學非無學。」

復次，以無癡道，為斷癡故，而學此道，所攝法名「學」；以無癡道，為斷癡故，而不學-已學，故此道所攝法，名「無學」；與二相違，名「非學非無學。」

復次，以無愛道，為斷愛故而學，然非愛事，此道所攝法名「學」。

以無愛道為斷愛故而學者→此則**遮**無學道。

然非愛事者→此則**遮**世俗道。

以無愛道，為斷愛故，而不學已學故，然非愛事，此道所攝法名「無學」。

以無愛道，為斷愛故，而不學已學故者→此則**遮**學道。

然非愛事者→此則**遮**世俗道。

與二相違，名「非學非無學」。

復次，若道為斷二求滿一求故，而學此道所攝法，名「學」。

•為斷二求者→謂：欲求有求。

•滿一求者→謂：梵行求。

若道為斷二求滿一求故，而不學-已學故，此道所攝法名「無學」。

與二相違，名「非學非無學」。

復次，若道為斷煩惱，修諦現觀故而學，此道所攝法名「學」；若道為斷煩惱，修諦現觀故，而不學-已學故，此道所攝法名「無學」；與二相違，名「非學非無學」。

復次，若所依中，有煩惱得隨縛。有無漏得隨逐，彼是「學」；若所依中，無煩惱得隨縛，有無漏得隨逐，彼是「無學」；與二相違，名「非學非無學」。

復次，若所依中，有愛隨縛，有無漏得，彼是「學」；若所依中，無愛隨縛，有無漏得，彼是「無學」；與二相違，名「非學非無學」。

復次，若法見道、修道所攝，是「學」；若法無學道所攝，是「無學」；與二相違，是「非學非無學」。見地、修地、無學地，說亦爾。

復次，若法未知當知根，已知根所攝是「學」；若法具知根所攝是「無學」；與二相違，是「非學非無學」。

復次，五種補特伽羅-相續中，諸無漏法是「學」。

五種補特伽羅者→調：隨信行、隨法行、信勝解、見至、身證。

二種補特伽羅-相續中，諸無漏法是「無學」。

二種補特伽羅者→調：慧解脫、俱解脫。

與二相違，是「非學非無學」。

復次，七種補特伽羅-相續中，諸無漏法是「學」。

七種補特伽羅者→調：四向、前三果。

一種補特伽羅-相續中，諸無漏法是「無學」。

一種補特伽羅者→調：阿羅漢果。

與二相違，名「非學非無學」。

復次，十八種補特伽羅-相續中，諸無漏法是「學」。

九種補特伽羅-相續中，諸無漏法是「無學」。

與二相違，是「非學非無學」。

此二十二根，幾善？幾不善？幾無記？

答：八善，八無記，六應分別。

•**八善者**→調：信等五、三無漏根。

•**八無記者**→調：七色命根。

•**六應分別者**→調：意五受。

此復云何？**調：**

意根：或善，或不善，或無記。

云何善？調：善作意相應意根。

此有二種。調：**有漏、無漏。**

有漏，有三。調：加行得、離染得、生得。

無漏，有二。調：學無學。

云何不善？調：不善作意相應意根。

此有二種。調：**見所斷、修所斷。**

即欲界三十四隨眠-俱生作意相應-意根。

云何無記？調：無記作意相應意根。

此有二種。調：有覆無記、無覆無記。

有覆無記者→調：欲界-有身見、邊執見，及色、無色界一切煩惱俱生作意相應-意根。

無覆無記者→調：威儀路、工巧處、異熟生、通果俱生作意相應-意根。

如意根；捨根、喜根、樂根，隨應亦爾。

苦根：或善，或不善，或無記。

云何善？調：善作意相應苦根。此復云何？調：生得善。

云何不善？調：不善作意相應苦根。此復云何？調：修所斷。

云何無記？謂：無記作意相應苦根。此復云何？謂：異熟生。

憂根，或善，或不善。

云何善？謂：善作意相應憂根。

如說：「我於何時，當於是處，得具足住。若於聖處已具足住，於上解脫，希求思慕，心懷憂感。」

云何不善？謂：不善作意相應憂根。

此復云何？謂：見所斷，及修所斷。

問：何故無有無記-憂根？

答：無記，有二。謂：有覆、無覆。

①憂根且非有覆無記，由與欲界-有身見、邊執見，不相應故。所以者何？行相異故。彼二見，歡行相轉；憂根，感行相轉。互相違法，不相應故。

②憂根亦非無覆無記，非威儀路、工巧處、異熟生所攝故。

問：何故憂根，非威儀路所攝？

答：憂根分別轉，威儀路無分別轉。

若威儀路有憂根者，設有分別，我今應作如是威儀。如佛世尊、或如馬勝，即分別時，便應已住如是威儀。然！威儀路無此分別，故威儀路無有憂根。

問：何故憂根非工巧處？

答：憂根分別轉，工巧處無分別轉。

若工巧處有憂根者，設有分別，我今應作如是工巧。如佛世尊、或如妙業天子，即分別時，已應成辦如是工巧。然！工巧處無此分別，故工巧處無有憂根。

問：何故憂根非異熟生？

答：憂根分別轉，異熟生無分別轉。

若異熟生有憂根者，設有分別，我今應受如是異熟。如佛世尊、或如轉輪聖王，即分別時，便應現受如是異熟。然！異熟生無此分別，故異熟生無有憂根。

有說：憂根，現加行，轉異熟生，先業所引，是故憂根，非異熟生。

有說：憂根，隨欲而轉，以於一切亡失事中，有起憂根，有不起故。異熟生者不隨欲受，由業轉故，是故憂根，非異熟生。

有說：憂根，若是異熟，則應重業，但受少果。謂：有因作無間業已，便生憂悴，即應名為受彼異熟，豈非果少。

有說：憂根，離欲時捨。異熟生法，離三界染，而猶隨轉，是故憂根非異熟生，由此憂根唯善、不善。

已分別諸根善等，彼善等義，今當說。

問：云何名善、不善、無記耶？

答：若法巧便所攝，能招愛果，自性安隱，說名為「善」。

•巧便所攝者→顯道諦。

•能招愛果者→顯苦、集諦-少分。

•自性安隱者→顯滅諦。

若法不巧便攝，招不愛果，性不安隱，說名「不善」。此則顯示苦、集諦-少分。

與二相違，說名「無記」。

有說：若法能得-愛果及樂受果，說名為「善」；若法能得-不愛果及苦受果，說名「不善」；與二相違，說名「無記」。

有說：若法能生-愛有芽及解脫芽，說名為「善」；若法能生-不愛有芽，說名「不善」；與二相違，說名「無記」。

有說：若法能感-可愛趣，說名為「善」；若法能感-不可愛趣，說名「不善」；與二相違，說名「無記」。

有說：若法墮-還滅品、清淨品，是輕舉性，說名為「善」；若法墮流轉品、雜染品，是沈重性，說名「不善」；與二相違，說名「無記」。

脇尊者曰：●由四緣故，說名為「善」。一、自性故。二、相應故。三、等起故。四、勝義故。

①自性善者：

有說：是慚愧。

有說：是三善根。

②相應善者→是彼相應心心所法。

③等起善者→是彼所起身語業。心不相應行。

④勝義善者→調：涅槃安隱故名善。

分別論者，作如是言：「自性善者，調：智；相應善者，調：彼相應識；等起善者，調：彼所起身語業。勝義善者。調：涅槃。」

●由四緣故，說名「不善」。一、自性故。二、相應故。三、等起故。四、勝義故。

①自性不善者：

有說：是無慚、無愧，以一向不善，遍不善心故。

有說：是三不善根，以具五義故。

②相應不善者→調：彼相應心、心所法。

③等起不善者→調：彼所起身、語業、心不相應行。

④勝義不善者→調：生、死不安隱，故名不善。

分別論者，作如是言：「自性不善者，調：癡；相應不善者，調：彼相應識；等起不善者，調：彼所起身語業；勝義不善者，調：生死。」

脇尊者言：若法是如理作意自性，如理作意相應，如理作意等起，如理作意等流果、離繫果者，是「善」。

若法是不如理作意自性，不如理作意相應，不如理作意等起，不如理作意等流果者，是「不善」。

與二相違，是「無記」。

如如理作意，不如理作意；慚、愧，無慚、無愧，三善根、三不善根，信等五根、五蓋，亦爾。

《集異門》說：「何故名善？」

答：有可愛果、可樂果、適意果、悅意果、可欣尚果，名善，此說**等流果**。
復次，有可愛異熟、可樂異熟、適意異熟、悅意異熟、可欣尚異熟，
名善，此說**異熟果**。
與此相違是「不善」；與二相違，是「無記」。
餘義如《結蘊-初納息》廣說。

此二十二根，幾有異熟？…乃至廣說。

問：何故作此論？

答：欲止他宗，顯己義故。謂：

譬喻者說：離思無異熟因，離受無異熟果。

為遮彼說，顯～異熟因及異熟果，俱通五蘊。

飲光部說：諸異熟因，異熟未生，彼因有體；異熟生已，彼因便失。如芽未生，種猶有體；芽既生已，種體便無。

欲止彼意，顯～因恒有。

復有外道，執～善、惡業，無果、異熟。

亦遮彼意，顯～善、惡業，有果、異熟，故作斯論。

此二十二根，幾有異熟？幾無異熟？

答：一有異熟，十一無異熟，十應分別。

- 一有異熟者→謂：憂根。
- 十一無異熟者→謂：七色、命三、無漏根。
- 十應分別者→謂：意、四受、信等五根。此復云何？謂：

意根：或有異熟，或無異熟。

云何有異熟？謂：不善、善、有漏-意根。

云何無異熟？謂：無記、無漏-意根。

如意根；樂根、喜根、捨根，亦爾。

苦根：或有異熟，或無異熟。

云何有異熟？謂：善、不善-苦根。

云何無異熟？謂：無記-苦根。

信等五根：或有異熟，或無異熟。

云何有異熟？謂：有漏-信等五根。

云何無異熟？謂：無漏-信等五根。

已分別諸根有異熟等，彼有異熟等義，今當說。

問：云何名有異熟等，為與自異熟俱，故名有異熟？為與他異熟俱，故名有異熟耶？

若與自異熟俱，故名有異熟者，如何因果不並？又違伽他所說，如說：「作惡，不即熟等。」

若與他異熟俱，故名有異熟者，則無漏道，應名有異熟，與他異熟俱故。

答：應說：與自異熟俱，故名有異熟。

問：如何因果不並，及違伽他說耶？

答：有二種俱：一者、有俱。二者、並俱。

①有俱者→如有因、有果、有所緣、有異熟等。

②並俱者→如有尋、有伺、有喜、有作意等。

此中…

依有俱而作論，如有俱-並俱，有俱-不相離俱，亦爾。

有說：有三種俱。一者、遠俱。二者、近俱。三、遠近俱。

前二→如前。

遠近俱者→如有漏、有隨眠、有緣、有事等。

此中但依遠俱作論。

問：何故名「異熟」？

答：異類而熟，故名異熟。熟，有二種：一、同類。二、異類。

①同類熟者→謂：等流果。

②異類熟者→謂：異熟果。

餘如《結蘊》廣說。

此二十二根，幾見所斷？…乃至廣說。

問：何故作此論？

答：欲止他宗，顯己義故。

如譬喻者說：無有世俗道能斷煩惱。

彼大德說：異生無有斷隨眠者，但能伏纏。亦非世俗道有永斷義。由《契經》言：「聖慧見已，方能斷故。」

為遮彼說，顯～世俗道亦能永斷，諸異生類亦斷隨眠。

故《契經》說：「嗚達洛迦遏邏摩子，斷欲、斷色…乃至斷於無所有處，生於非想非非想處。」

又說：「有外道仙，能離欲染。」如是等所言。

•聖慧見已，方能斷者→顯能究竟斷有頂染。

或有說言：諸世俗道，雖能永斷，但是異生而非聖者，非捨勝道，用劣道故。

為止彼意，顯～諸聖者，亦以世俗道，離八地染。

有作是說：頓斷，非漸，金剛喻定現在前時，一切煩惱一時斷故。

為遮彼執，顯～必漸斷，四沙門果漸次得故。

有執～現觀，唯頓非漸。

為遮彼說，顯～漸，非頓。

又為顯示有二部結，二部對治，故作斯論。

此二十二根，幾見所斷？幾修所斷？幾不斷？

答：九修所斷，三不斷，十應分別。

•九修所斷者→謂：七色、命、苦根。

•三不斷者→謂：三無漏根。

•十應分別者→謂：意、四受、信等五根。謂：

意根：或見所斷，或修所斷，或不斷。

云何見所斷？謂：意根，隨信、隨法行，現觀邊忍所斷。此復云何？謂：見所斷八十八隨眠相應意根。

云何修所斷？謂：意根，學見迹，修所斷。此復云何？謂：修所斷十隨眠相應意根，及不染污有漏意根。

云何不斷？謂：無漏意根。

如意根；捨根，亦爾。

樂根：或見所斷，或修所斷，或不斷。

云何見所斷？謂：樂根，隨信、隨法行，現觀邊忍所斷。此復云何？謂：見所斷二十八隨眠相應樂根。即第三靜慮-見所斷。

云何修所斷？謂：樂根，學見迹，修所斷。此復云何？謂：修所斷五隨眠，相應樂根，及不染污有漏樂根。

•五隨眠者→謂：欲界-貪、無明，色界-貪、慢、無明。

云何不斷？謂：無漏樂根。

喜根：或見所斷，或修所斷，或不斷。

云何見所斷？謂：喜根，隨信、隨法行，現觀邊忍所斷。此復云何？謂：見所斷五十二隨眠，相應喜根。

•五十二隨眠者→謂：欲界二十四，除瞋、疑八；色界二十八。

云何修所斷？謂：喜根，學見迹，修所斷。此復云何？謂：修所斷六隨眠，相應喜根，及不染污有漏喜根。

•六隨眠者→謂：欲、色界-貪、慢、無明。

云何不斷？謂：無漏喜根。

憂根：或見所斷，或修所斷。

云何見所斷？謂：憂根，隨信、隨法行，現觀邊忍所斷。此復云何？謂：見所斷十六隨眠，相應憂根。

•十六隨眠者→謂：欲界-邪見、瞋、疑、無明，各四。

云何修所斷？謂：憂根，學見迹，修所斷。此復云何？謂：修所斷二隨眠，相應憂根。及不染污憂根。

•二隨眠者→謂：欲界-瞋、無明。

信等五根：或修所斷，或不斷。

云何修所斷？謂：有漏信等五根。

云何不斷？謂：無漏信等五根。

已分別諸根-見斷等，彼見斷等義，今當說。

問：云何名見所斷、修所斷耶？如見不離修，修不離見。見道中，如實修可得；修道中，如實見可得。「慧」名為見，「不放逸」名修。

此中說，何名為「如實」？

此中意說：偏多猛利，名為如實。謂：見道中，慧多，不放逸少；修道中，不放逸多，慧少。

或復此中意說：平等，名為如實。謂：見道中，隨有爾所慧，即有爾所不放逸；修道中，隨有爾所不放逸，即有爾所慧。

尊者世友作如是說：觀四聖諦，斷諸煩惱。

云何分別？此是見所斷，此是修所斷？

答：由見而斷，由見而除，由見變吐，名「見所斷」。

有說：見所斷亦應言修所斷，以見道中，如實修可得故。

如是說者：由見而斷，由見而除，由見變吐，名見所斷。如所得道，若習、若修、若多修習，分齊斷、限量斷、漸令薄究竟斷，名修所斷。

有說：修所斷亦應言見所斷，以修道中，如實見可得故。

如是說者：如所得道，若習、若修、若多修習，分齊斷、限量斷、漸令薄究竟斷，名修所斷。

問：此言有何義？

答：此說見道，是猛利道-暫現在前，九品煩惱，一時而斷。

修道，是不猛利道-數習現前，九品煩惱，九時而斷。如利鈍刀，俱截一物，利者一割便斷，鈍者數割乃斷。

有說：若法以見，增道斷，名見所斷。

若法以修，增道斷，名修所斷。

有說：若法以二相道斷，名見所斷。二相者：謂：見相、慧相。

若法以三相道斷，名修所斷。三相者→謂：見、智、慧相。

有說：若法以四相道斷，名見所斷。四相者：謂：眼、明、覺、慧相。

若法以五相道斷，名修所斷。五相者→謂：眼、智、明、覺、慧相。

有說：若法由忍斷，名見所斷。

若法由智斷，名修所斷。

餘廣說如《結蘊-初納息》。